



التاريخ : / / هـ.

الموافق : 20 / 2 / 2024 م.

الإشاري : 154 - 2024

### السيد/ رئيس قسم التفتيش القضائي بالمكتب

محامي عام (علي محمد البكوش)

بعد التمية ،،

بالإشارة الى كتابكم رقم (6\_10\_1795) المؤرخ في (24\_1\_2024) المحال به عدد (2) فلاش ميموري، وذلك للعمل على تفريغ محتوى المبرزتين.

علماً بأنه بعد اجراء الكشف الفني على المبرزتين تبين ان أحد المبرزتين لا تحتوي على أي بيانات.

عليه ،،

**نحيل** إليكم التقرير الفني الخاص بتفريغ محتوى فلاش ميموري مرفقاً بعدد (1) قرص مدمج يحتوي على ما تم استخراجه من بيانات بداخل ظرف مغلق وذلك لإحالته للجهة المختصة.

والسلام عليكم

نائب النيابة

عمر محمد اسكي ابرح

(رئيس قسم ضبط شؤون المعلوماتية والاتصالات)

صورة الى:

- الأستاذ المستشار النائب العام.
- وحدة المعلومات والتوثيق.
- الملف الدوري بالأرشيف.
- 18.12

التاريخ: 12 من 1445 هـ  
الموافق: 24 من 1445 هـ  
الإشاري: 1795-10-6



دولة ليبيا  
مكتب النائب العام

هام وعاجل

الأستاذ / رئيس قسم ضبط المعلوماتية  
والاتصالات بالمكتب.

تحية طيبة وبعد !!!

عملاً بتعليمات معالي المستشار النائب العام.  
وبالإشارة إلى الشكويين المقيدين تحت  
رقم " 2021/651 م " ، " 2022/1928 م " والمقدمة من  
المواطن (( بشير مصطفى التهامي شبش )) ضد أبناء  
(( أحمد جبريل شبش )) وعدد من أعضاء الهيئات  
القضائية.

عليه..

تحييل إليكم عدد " 2 " فلاش ميموري المرفقين  
بالشكوى ، وذلك للعمل على تفرغ  
محتوياتها ، وموافقتنا بالتمتير على وجه السرعة.

وتفضلوا بقبول فائق الاحترام والتقدير !!

محامي عام

علي محمد البكوش

رئيس قسم التفتيش القضائي بالمكتب



صورة السمسرة

- الأستاذ / المستشار النائب العام
- الأستاذ / مدير مكتب النائب العام
- الأستاذ / حسن الحضيري / رئيس النيابة بالمكتب
- قسم التفتيش القضائي بالمكتب
- وحدة الشكاوى والتظلمات للتدبير
- وحدة التوثيق والمعلومات
- السامسرة السمسرة العام

مفيدة 2024012488 / الحضيري



دولة ليبيا

مكتب النائب العام

قسم ضبط شؤون المعلوماتية والاتصالات

رقم التقرير	2024-03-39
التاريخ	15 02 2024 م

## التقرير الفني

نوع المبرزة 1 // **فلاش ميموري** موديل المبرزة // **SAMSUNG** لون المبرزة // **فضي**

/	/	/	/	/	/	/	/	/	/	/	/	/	/	/	/	/	/	/	/
---	---	---	---	---	---	---	---	---	---	---	---	---	---	---	---	---	---	---	---

الرقم التسلسلي المبرزة (1) //

G.B	3	2
-----	---	---

مساحة الذاكرة الداخلية (1) //

لا يوجد

رمز قفل الجهاز //

نوع المبرزة 2 // **فلاش ميموري** موديل المبرزة // **XO U10** لون المبرزة // **فضي**

/	/	/	/	/	/	/	/	/	/	/	/	/	/	/	/	/	/	/	/
---	---	---	---	---	---	---	---	---	---	---	---	---	---	---	---	---	---	---	---

الرقم التسلسلي المبرزة (2) //

G.B	1	6
-----	---	---

مساحة الذاكرة الداخلية (2) //

لا يوجد

رمز قفل الجهاز //

تم تحريز المبرزة بحوزة // **بشير مصطفى التهامي شبش** بصفته // **صاحب المبرزة**

الموضوع // قضية الشكويين المقيدين تحت رقم (2021/651 م، 2022/1928 م) والمقدمة من المواطن (بشير مصطفى التهامي شبش) ضد أبناء (أحمد جبريل شبش) وعدد من أعضاء الهيئات القضائية.

ملاحظات عن حالة المبرزة عند استلامها	=
المبرزة الأولى فلاش ميموري 32 قيقا لا تحتوي على بيانات. (موثق بالتقرير)	1
المبرزة الثانية فلاش ميموري 16 جيجا تشغل بوضع سليم.	2

اعتماد رئيس قسم ضبط شؤون المعلوماتية والاتصالات  
بمكتب النائب العام



إعداد: 18

## الملخص العام للتقرير الفني

1	بعد اجراء الكشف الفني على المبرزة رقم (1) (فلاش ميموري نوع SAMSUNG) تبين انها لا تحتوي على بيانات. (موثق بالتقرير)
2	بعد استخراج البيانات المخزنة بالمبرزة رقم (2) نوع (فلاش ميموري نوع XO U10) واجراء الكشف الفني عليها تبين انها تحتوي على الاتي:
3	عدد (2) مجلدات خاصة بنظام الاندرويد. (موثق بالتقرير) عدد (1) مجلد تمت اضافته يحتوي على (56) رسالة صوتية لما يعتقد بانها رسائل صوتية لغرفة (تطبيق واتساب) بين مجموعة من الأشخاص ومن خلال التدقيق الفني على الرسائل الصوتية تبين ان ترقيم الرسائل يبتدئ من رقم (6) مما يعتقد بان الخمس الرسائل الاولى لم يتم ادراجها وقد تم تفريغ المقاطع الصوتية على النحو التالي:
4	مقطع صوتي معنون باسم (AUD-20210615-WA0006) مدته الزمنية (00:01:08) دقيقة وثمانية ثوان بتاريخ (2021/06/15) وقد تم تفريغ المقطع كتابيا كالتالي: <b>بداية التفريغ</b> كلم الشيخ (مختار) قاله يا شيخ (مختار) قاله يا شيخ (مختار) توا مش أمس في الليل انت واياه و(نوري)؟ قاله اقسام بالله الراجل امبارح في الليل يحلف ويقول ما يقدر واحد يطلع الكواشيك بلا تاشيرتي وبلا امري واني واني، والراجل مهوش مطلعهم. قاله (بوي) اقسام بالله راهن طلعت ره تراهو كلام اكيد طلعت الكواشيك يا راجل. قاله انى اقسام بالله بشكل مستعجل يا الليلة يا غدوا الصبح قاله في الليل بندوره كان لقيته نقوله وضلتي امبارح عاطينا كلمة في الموضوع هذا وكذا كيف صار؟ ورينا شن الجديد اللي صارلك؟ وكانى ملقيناش الليلة يا (حاج محمد) ثق وتأكد راني الصبح ماشيله وبندوره. وقاله وقاله (بوي) بالمره شوفلنا قصة امتى بنتلاقوا معاه. (بوي) قالي يا (احمد) راهو من الأخير راهو (الروياتي) مش حيثلاقي معانا الا كيف ما يبي (الروياتي) الله غالب بنتحملوها هذه وخلص، لكن توا بيشوفلنا شن سماه هذا (مختار) كيف صار؟ الموضوع غريب يا ناس والله غريب مفهمتش، واني (محمد حمد) واتي للوزارة من غدوا. <b>نهاية التفريغ</b>

5	<p>مقطع صوتي معنون باسم (AUD-20210615-WA0007) مدته الزمنية (00:00:23) ثلاثة وعشرون ثانية بتاريخ (2021/06/15) وقد تم تفرغ المقطع كتابيا على النحو التالي:</p> <p><b>بداية التفرغ</b></p> <p>يا (صعيدي) قوله باهي يا سيدي احني بنسامحوه هذا اللي حلقة غير بشرط بس. قوله توا توا في هالوقت هذا يشيع (الفرخ كمال) فلقه بكاو مش طوبو ولا عصا، بكاو قوله شيعه توا خسله داخل قوله وبدي فيه مش بقلقه كله في جسمه قوله بكاو وخليه يدمي نشهد بالله قوله نسامحوك بعدها قوله فهمت؟</p> <p><b>نهاية التفرغ</b></p>
6	<p>مقطع صوتي معنون باسم (AUD-20210615-WA0008) مدته الزمنية (00:00:12) اثنا عشر ثانية بتاريخ (2021/06/15) وقد تم تفرغه كتابيا كالتالي:</p> <p><b>بداية التفرغ</b></p> <p>(إسماعيل الجمل) يا (احمد صاهر) ويا (صعيدي) هاضوما الزوز وخاصة انت يا (احمد الطاهر). (إسماعيل الجمل) الله الله هذا نعرفوه بأن احني مفروض تبعنا ومن طرفنا؟! كيف انقلب قلبه وحدة هذا؟</p> <p><b>نهاية التفرغ</b></p>
7	<p>مقطع صوتي معنون باسم (AUD-20210615-WA0009) مدته الزمنية (00:00:41) واحد واربعون ثانية بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>الرسالة هذه نبي كل واحد يسمعها، أنتم يللي معانا في الصفحة ولا غيركم، معاش نقولوا احني ارض هذه جاية من (احمد) فوتوا الموضوع هذا هذا يورطنا لقدام. احني مختصرة جداً، الأرض هذه موروثه من جدنا (حمد جبريل شبش) بو بوي وبو ابهاتكم فقط لا غير.</p> <p>احني نعرفوا الورق باسم (حمد جبريل شبش) من وين جت؟ احني مش حاضرينها وعينا في الدنيا لقينا باسم (حمد جبريل شبش) وتقاسموا والسلام عليكم هذا ما نعرفوا. لكن لا تقولوا (احمد) لا تطروا الموضوع هذا، كلمة (احمد) اضرنا في الموضوع هذا مية في المية (100%).</p> <p>كلكم مفروض تردوا عليا توا وتكونوا سامعين الرسالة.</p> <p><b>نهاية التفرغ</b></p>

<p>8 مقطع صوتي معنون باسم (AUD-20210615-WA0010) مدته الزمنية (00:00:27) سبعة وعشرون ثانية بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>تبي خدمه مع (المحامي العام) وتبي تبي كان هو الراجل حقيقةً فيه أمر قبض تبي نحركوله حد يقبض فعلا، كويس؟</p> <p>لو تحصلولنا صورة من امر القبض بس، صورة، أنى عندي واحد معاهد نحصل صورة نقبض. فهمت كيف؟</p> <p>فلو نحصلوا صورة بيش بيكون شغل صحيح ميكونش شغل ملبز.</p> <p><b>نهاية التفرغ</b></p>	8
<p>9 مقطع صوتي معنون باسم (AUD-20210615-WA0011) مدته الزمنية (00:00:11) احدى عشر ثانية بتاريخ (2021/06/15) لشخص يعطي معلومة عن شخص يدعى (إسماعيل) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>معلومة عن (إسماعيل) راهو (إسماعيل) صعب شوية إذا كان (إسماعيل) جي ضدك وكذا مكار حتى مع جماعته وكذا، مرات قاعد عنده ويقولك مهوش عندي انتبهولها الجزئية هذه.</p> <p><b>نهاية التفرغ</b></p>	9
<p>10 مقطع صوتي معنون باسم (AUD-20210615-WA0012) مدته الزمنية (00:01:15) دقيقة وخمسة عشر ثانية بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>يا (صعيدي) أنى كلامي واضح، ضغطة من (الروياتي) أنى بديتها وقتلك كيف أتمها وقريتك كويس وراهي كان مدرتهاش يا (صعيدي) (حاج محمد) مدارهاش هديما حيتوسطوا وكلهم يمونا على بعضهم وكيف (نيابة الزروق) كيف (نيابة طمينة) لان الزوز (خالد عبيد) و(عبد الله بادي) هما الزوز في طوعهم وحيلولهم، حيطلعوهم حيصير ضغط من (بوشعالة) وتعهد وما الى ذلك ويطلعن.</p> <p>ويطلع مجهودنا كله راح هكي فاشوش ومنتصرين علينا وهي سببها اجراء بسيط اللي قتلك عليه يمشي يندار يقعمز (الحاج محمد) ثلث ساعة ربع ساعة ويتم الموضوع ويتقسط كويس وتجي ضغطة قوية من (الروياتي) ويزيد يدكنله يقوله هديما عاتوا فينا فساد وكذا واهو أنتم اتبتم حالهم وما الى ذلك وهدياما ليهم سنين بسواقهم المصري مجحشين فوقنا وفي ارضنا وهردوهلنا احني وجماعة طرا بلس.</p>	10

الموضوع هذا اهو قاعد عندك وكان مندارش الاجراء هذا سريعا بالطريقة اللي قتلك عليها بمشية  
(الحاج محمد) للمكتب غادي راهو الموضوع نشوف فيه أنى فاشل وكل مرة احني ننشطوا ننشطوا  
نلقوا بعدين سبب الهزيمة متعنا سبب تافه مرات.

### نهاية التفريغ

11 مقطع صوتي معنون باسم (AUD-20210615-WA0013) مدته الزمنية (00:00:25) خمسة  
وعشرون ثانية بتاريخ (2021/06/15) وقد تم تفريغ المقطع كتابيا كالتالي:

### بداية التفريغ

ركزوا ركزوا ركزوا كان تم القبض على (بشير) ركزوا في في في في مكان الحبس في الجودة  
متع الحبس نفسه ميقعدش يدريك في اجازات وخاش طالع وعلاقات وفلان جايه وفلان ماشيله  
فهتمته كيف؟

ويقعد هو يدفعك من داخل توليله دار عشرة نجوم وخاش طالع وماشية الأمور. قصدي ركزوا  
على مكان الحبس، بش ايوا بش يعرف ربي واحد.

### نهاية التفريغ

12 مقطع صوتي معنون باسم (AUD-20210615-WA0014) مدته الزمنية (00:00:09) تسع  
ثوان بتاريخ (2021/06/15). قد تم تفريغ المقطع كتابيا كالتالي:

### بداية التفريغ

(إسماعيل الجمل) ساعد حتى (حمزة) في طلقته المدة اللي فاتت من النيابة، مدير هاش تأكدوا من  
الموضوع. وبعدين هذا جلوة باكير واجد زيدوا ترا تبعوا الموضوع.

### نهاية التفريغ

13 مقطع صوتي معنون باسم (AUD-20210615-WA0015) مدته الزمنية (00:01:21) دقيقة  
وإحدى وعشرون ثانية بتاريخ (2021/06/15) وقد تم تفريغ المقطع كتابيا على النحو التالي:

### بداية التفريغ

يا (خالد) والكلام للتريس كلكم، توا بويا الحمد لله هكي تواصل مع (مختار) وقاله يعني على أساس  
ان يبي (الروياتي).

فقاله اقسام بعزة الله يا (حاج محمد) هما عندهم توا حفل تكريم في النيابة وما فيهم واحد فاضي  
واني توا كيف طلعت من عندهم في الحفل وخديت قاطو زي ما تقول وطلعت، لكن راني اقسام

بعزة الله يا (حاج محمد) أنى داوي (الروياتي) عالموضوع هذا قبل ما أنتم قصدتوه فهتمت كيف؟  
وقاله اقسام بعزة الله حنزيد (الروياتي) وحندير وحنط وتعهد الراجل واجد واجد وقال

(الروياتي) زي ما تقول يعني في صف (صوان) يعني فهتمت كيف؟

وقاله **(بوي)** زي ما تقول يعني شوفهلنا نتلاقوا معاه نشوفوه نديروا .  
 قاله يا **(حاج محمد)** معاش تخمم **(عالروياتي الروياتي)** معاش تخمم عليه بكل .  
 تي قاله بوي عندي كواشيك أنى قاعدات توا حاصلات هذينا توا يطلعن .  
 قاله يا **(حاج م)** هذا كلام صوان قاله يا **(حاج محمد)** مش حيطلن .  
 اشيح توا!!

فقاله بوي باهي انت غر...

قاله الراجل اليوم والله ماهو فاضي عنده حفل تكريم وقاعد فسط الحفلة وقاعد كذا مهوش فاضي .  
 قاله **(بوي)** نسقلنا معاه ضروري ديرلنا....  
 قاله يا **(حاج محمد)** أنى يا نسقتك معاه يا درتك معاه راي وحنديرلك معاه راي جميل جدا يرضيك،  
 الراجل معاش تخمم عليه قاله قاله بالنسبة **(للروياتي)** معاش تخمم عليه .  
 هذا الكلام ألي صارت توا يا شباب شن رأيكم؟ اعطونا شنو .

#### نهاية التفريغ

14 مقطع صوتي معنون باسم **(AUD-20210615-WA0016)** مدته الزمنية (00:01:16) دقيقة وستة عشر ثانية بتاريخ (2021/06/15) قد تم تفريغ المقطع كتابيا كالتالي:

#### بداية التفريغ

اللي نعرفه أنى واللي متأكد منه واللي ضروري واللي أأ اللي بينفعا في قضيتنا وفي موضوعنا في  
 اعتداء **(الفرخ احمد مصطفى)** وفي تثبيت الشكوى خاصة بعد ما طلع الكواشيك وتم حجزهن .  
 اللي بيثبت الكلام هذا شكوتنا في **(مركز شرطة الزروق)** عالواقعة اللي صارت واللي تثبت محضرنا  
 اللي انفتح قبل .  
 غير هكي كلها تلفيقات كلها جسور وكيف ما قلنا الله غالب احني كى بش نقنعوا الشيايين ولا كذا صعب  
 ونتحايدوا من هنا ونتحايدوا من هنا واحني نبوا موضوعنا يتم وقصاصة .  
 بالطريقة اللي مشاين بيها هذه جهودنا وكل شي وحاجاتنا تحايلات كلها امشي من هنا وامشي من هنا .  
 القصاصة في **(مركز شرطة الزروق)** وماشي طوووول ينشكى في الاعتداء على **(احمد مصطفى)**  
 و**(جبريل عزوزة الفرخ المسخ)** والكواشيك عند **(بوشعالة)**، هادوما شكلية الأطراف المعنية اللي هما  
 احني في **(مركز شرطة الزروق)** بالواقعة اللي صارت والدليل الكواشيك اللي امتسكت .  
 بالكلام هذا يصير من كل شي وقضية مضمونة 100% غير هكي تحلويك .

#### نهاية التفريغ



مقطع صوتي معنون باسم (AUD-20210615-WA0017) مدته الزمنية (00:01:32) دقيقة واثنتان وثلاثون ثانية بتاريخ (2021/06/15) قد تم تفريغ المقطع كتابيا كالتالي:

#### بداية التفريغ

(صلاح بادي) كان نبوه نبوه في حاجة كبيرة. واحني (عبد الله بادي) منبوشي ليش؟ لان (الحاج محمد) مش بالتلفون لان (الحاج محمد) كان هو مشي مع الجماعة الزوز هديما وقاللهم عشر دقائق نتلاقى معاكم غادي عند (الروياتي) لان دلانية وكبانيتها يعدي يقمعر معاه غادي ينتهي في نصف ساعة الموضوع بيا خد كله بتلفون هيا وتي روحك بنتلاقوا بعد ربع ساعة تمشوا تقمغزوا ربع ساعة ثانية والموضوع يتم. لأن الحاجة اللي تبي توسط بيها عند (عبد الله بادي) وبترجو (صلاح بادي) يعرفه ولا ميعرفاش!، تي اهو انت عندك (نوري) واسماه هذا (عبد الرحمان) هو اللي مديره وهو مدير (خالد عبيد) يعني الموضوع منتهي ره مش أأ، يا قدامك القبله لم مكة مش لم المغرب واضحة يا جماعة ليش اطولوا فيها؟

(حاج محمد) عنده مشكلة مع (مختار) عنده مشكلة مع (نوري) مطلبش منهم الطلب هذا؟! يا سيدي يفهمنا. لكن كان الطلب هذا يمون عليهم ويقوللهم احني نتلاقوا بعد ربع ساعة نص ساعة احني المجموعة هذه حدا (عبد الرحمن) و(عبد الرحمن) يخدمك وهو مدير (عبد الله) وهو مدير (خالد عبيد) معناها معاش تبي حاجة أخرى انت.

اوكي هديكا زيادة دعم من الألورا ممكن، لكن مهوش حاجة كبيرة حتى ولو كلمتوا (صلاح بادي) وكلم (عبد الله بادي) يقوله كذا كذا، يقوله الموضوع مش عندي أساسا هو، هو الموضوع مش عندي، وحتى كان عنده ممكن موضوع كواشيك خاشه في سيخ، مش موضوعنا يا جماعة هذا.

ركزوا شوية موضوعنا قاعد في (الزروق) وقاعد أي حاجة تبي تصير في النيابة خلي (الروياتي) هو اللي يحركك.

#### نهاية التفريغ

مقطع صوتي معنون باسم (AUD-20210615-WA0018) مدته الزمنية (00:00:23) ثلاثة وعشرون ثانية بتاريخ (2021/06/15). وقد تم تفريغ المقطع كتابيا كالتالي:

#### بداية التفريغ

وعليكم السلام ورحمة الله، بإذن الله بإذن الله كان غدوا زي ما تقول (صوان) نسق موعد ولا كذا (للروياتي) مع بويا غدوا، توا توا نوصي بويا مثلاً انْ يفتحله جميع المواضيع يعني مش متخصص بالكواشيك بس يعني فات فيك خشيت تخش على جميع المواضيع.

وان شاء الله نحصلوا معاه موعد ان شاء الله ان شاء الله هيا توكلوا على الله واللي هذا يدير من تركينة.

#### نهاية التفريغ

مقطع صوتي معنون باسم (AUD-20210615-WA0019) مدته الزمنية (00:00:44) أربع واربعون ثانية بتاريخ (2021/06/15) وقد تم تفريغ المقطع كتابيا كالتالي:

#### بداية التفريغ

يا (خالد) والكلام للشباب زدت كلمت بويا وقالي والله العظيم اليوم اتصلت (بمختار) ثلاث مرات مردش، لكن قالي بأذن الله نحصله ويرد عليا مرات يكون راقد لان تعرف اليوم سبت مرات يكون مشغول مرات كذا ومرات حتى طالع زرده هو وعياله.

فقالي اول ما يرد عليا بأذن الله نمشي أنى وايه (للروياتي) ودويت لبويا على موضوع (الروياتي) قتله باد أنك خاش إدوي على جميع مواضيعنا (عيلة طاهر وعيلة شبش عيلة محمد عيلة حمد) جميع مواضيعنا قصة الأولاد قصة الرماية قصة الرمانة الرماية أي موضوع ادويه قصة الكوشيك كلهم كلهم.

قال ان شاء الله كونوا متهنين وان شاء الله والله أنى الا منمشيله. مية في المية ان شاء الله هيا ان شاء الله ربي يسخر بالخير هي.

#### نهاية التفريغ

مقطع صوتي معنون باسم (AUD-20210615-WA0020) مدته الزمنية (00:00:17) سبعة عشر ثانية بتاريخ (2021/06/15) وقد تم تفريغ المقطع كتابيا كالتالي:

#### بداية التفريغ

يا (صعيدي) الموضوع ساهل جداً الموعد مع شن سماه هذا (الروياتي)، تبيني حتى اني ندبرلك نشوفك وقت امتي فارغ؟ امتي كذا؟ غالب راهو باباه مفتوح واللي جماعة كيف الدلانية هودوما يخشوا بلا استأذان بكل ره. فبالله اشقوا بيها بدري.

#### نهاية التفريغ

مقطع صوتي معنون باسم (AUD-20210615-WA0021) مدته الزمنية (00:00:36) ست وثلاثون ثانية بتاريخ (2021/06/15) وقد تم تفريغ المقطع كتابيا كالتالي:

#### بداية التفريغ

بالنسبة (لصوان) بوي شرحه واجد واجد واجد واجد، فهمت كيف؟ وبالنسبة (لصوان) في نفس الوقت الراجل هو بيشوف (الروياتي) وبعدين عادي يدير تنسيقه يدير أي راي يتلاقوا عادي مش موضوع قصدي مهيش مشكلة، لكن الراجل اليوم عنده حفل تكريم مش حيقدر يقابلك فهمت؟ وهذا اللي صار.

وبالنسبة **(لمركز الزروق)** يا جماعة اهو النداء يا جماعة عدّوا خودوا عمامكم وامشوا أنتم واياهم الله يربحكم **(قراقوش)** برا عدي اهو حداك **(عمك محمد)** وحداك بوك وعدي خودهم عدي.  
**نهاية التفريغ**

20 مقطع صوتي معنون باسم **(AUD-20210615-WA0022)** مدته الزمنية (00:00:04) أربع ثوان بتاريخ (2021/06/15) وقد تم تفريغ المقطع كتابيا على النحو التالي:  
**بداية التفريغ**  
اللي يقدر يوصل في **(الروياتي)** يقدر يحلكم مشاكلكم كلهم **(الروياتيبيي)**.  
**نهاية التفريغ**

21 مقطع صوتي معنون باسم **(AUD-20210615-WA0023)** مدته الزمنية (00:01:36) دقيقة وست وثلاثون ثانية بتاريخ (2021/06/15) وقد تم تفريغ المقطع كتابيا على النحو التالي:  
**بداية التفريغ**  
أني طبعا **(الروياتي)** حاكيه قبل وممكن فيه غيري حاكيه قبل، لكن الموضوع يقولك أنتم تعاودوا في نفس الموضوع، لا مش نعاودوا في نفس الموضوع أني قاعد نبي نبي عندي مطلب أني جيتي غادي مش نهدرزلك اللي فاتت، اللي فات واصلك بنزيد نراجعلك لكن أني عندي مطالب.  
المطالب ضروري تفتحولي محاضر توا. نطلب منكم قوله **(مديري النيابة)** تفتحولي محاضر. ليش أني قوله أني اللي قاعد محبوس هذا مازال محققوش في حاجات اللي قديمة عمرها سنتين وثلاثة وأربعة وخمسة؟ بحجة المحاضر رايحة ولا محروقة واهو قريب يطلع، والثلاثة الاخرين يصلوا ويجولوا.  
تي أني راهي حقي مهضوم أني مش مذنب. مش أني جيت فتحت محضر؟ وخديت افاده؟ باهي أني خيره ميحققوش معاه؟ خيره ميقبضوش عليهم؟ باهي راحوا المحاضر باهي خيره مديريش حل انت **(كرويس النيابة)**؟ انت اديرلي حل. باهي أني لعند امتي بنقعد نرجي في المحاضر امتي يلقوهم؟ سنة تسدك؟ سنتين؟ موضوع حيقعد مفتوح هكي راه الموضوع حيقعد مفتوح بالطريقة هذه الكلاسيكية حيقعد مفتوح ضروري تحصروه او تدوروا معاه في زاوية ضيقة.  
يا **(روياتي)** أني راهو جايبك عالموضوع انت تعلم بالقصة الأولى ونزيد نراجعلك عالسرير اخرها توا الاعتداء على **(ارضنا في قبل السكة)**، لكن الموضوع هذا أنتم متبوش اديروله حل **(كنيابة والا كشرطة)**.

المحاضر قعدت اهو عندك انت قريب جابهلك (حاتم) ليه قريب شهرين ولعند توا مبتيتوش فيهن ولا قبضتوا على الاخرين ولا حقتوا معاهم لا فعلتوا المحاضر كانكم لقيتوهم أصلا، ولا حقتوا مع المحبوس.  
وكان ملقيتوهنش بالله اهو احني مستعدين خودوا اقوالنا فهكي الجزئية هذه ضروري تحكوها باللهجة هذه يا (احمد).

### نهاية التفريغ

22 مقطع صوتي معنون باسم (AUD-20210615-WA0024) مدته الزمنية (00:01:28) دقيقة وثمانية وعشرون ثانية بتاريخ (2021/06/15) لشخص يتحدث وقد تم تفريغها كتابيا كالتالي:

### بداية التفريغ

بالنسبة لموضوع (الحاج محمد) ومشيته (للروياتي) المفروض فيه نقاط وشن سماه وخطوط عريضة هن اللي يديرهن، يمشي بيدوي على تاريخ متع خمس سنين قبل ميقدرش ميطلعش بنتيجة وكذا وتنتشت عند الأمور وميفهم منه شي. مفروض فيه نقاط عريضة كبيرة شن هن:  
اللي هن تتمثل مثلا مثلا نعطيك اخر اخر نقطة مثلا شن صاير؟ صاير مثلا عندنا محضرنا في (مركز شرطة الزروق) وقاعد لليوم عالطاولة ومتحولش للنيابة اه لا وتحول للنيابة ورجع ومأشرين عليه بالأحمر مذكور انه ضروري فيه تشكيل أاا عرضه على لجنة صحة المستندات والبيانات.

هدينا منعرفش من هو وكيل النيابة لكن هو لما يعتبروا ان حد وكيل نيابة مخترق اللي هو مثلا (مهند المطردي) هو اللي مآشر هذه.

ممکن نشكوله من (مهند المطردي) و(عبد الله بادي) نقولوله احني اهو هادوما مبلغين (مركز شرطة الزروق) ومقابلين اضرب فيها اثنين في واحد ومقابلين ان (الزروق) ميفتحوش لينا محاضر بينما محاضر الطرف الثاني ينفطله، المحاضر الكيدية ينفطلها البحر فيه كلب.

احني الموضوع هذا نبوا نكسروه حكاية (مركز شرطة الزروق) ويقول ميفتحش في محاضر وضروري من النيابة، أنى بروحي شخصيا واحد اسمه (البوري) ومتعاودوش اسماه لان مش حيشهدلكم مقابلي أنى (مهند المطردي) مكلمني أنى شخصيا متفتحش محاضر.

هذا جانب وفيه خطوط عريضة ثانية تقدروا تذكروها أنى ذكرتلکم مثلا هذا جانب مهم جدا.

### نهاية التفريغ

مقطع صوتي معنون باسم (AUD-20210615-WA0025) مدته الزمنية (00:00:51) واحد وخمسون ثانية بتاريخ (2021/06/15) وقد تم تفرغ المقطع كتابيا كالتالي:

#### بداية التفرغ

زي ما قلتوا يا شباب اول حاجة لازم (**عمي محمد**) نلقنوه قبل ما يمشي بيوم لان حينسى، كبير في العمر ومرات ينسى ومرات تتفرس الهدرزة.

هدرزة في نقطتين ضيقات مش أكثر لازم يوم تُذكر لازم تُذكر كلمة (**بشير شبش وخوته**) (**بشير شبش وخوته**) لازم الكلمة هذه تزن في وزن الراجل تتحفظ بسرعة وتقعّد بأن ميقلوش (**عيلة شبش**) متعاركين مع بعضهم، لازم نقوله راهو عندنا واحد اسماه (**بشير شبش وخوته**) هما اللي مدايرين ومدايرين، راهو هديما اللي مدايرين مشاكل مع العايله بالكامل مدايرين مع عايله كذا وعايلة كذا وعايلة كذا، لكن أنى بنحكيلك عالمشكل مش مشاكل عائلية يعني (**عائلة شبش**) متخبطين في بعضهم.

كلمة (**بشير شبش وخوته**) بش الراجل يقول (**بشير شبش**) شوفولي (**بشير شبش**) شوفلي قصة (**بشير شبش**).

#### نهاية التفرغ

مقطع صوتي معنون باسم (AUD-20210615-WA0026) مدته الزمنية (00:00:49) تسعة واربعون ثانية بتاريخ (2021/06/15) وقد تم تفرغ المقطع كتابيا كالتالي:

#### بداية التفرغ

يا جماعة ان شاء الله غدوا موضوع النيابة يصير منه كان مشي (**الحاج محمد**) (**للروياتي**) وأنتم كان عندكم أي حاجة يتمغطوا الناس نحاولوا متردوهاش من اول مرة خودوها حتى بشوية هكي سلاسة وبارك الله فيك ويا خال ويا جار ويا مش عارف ايش وكذا لكن الموضوع توا نشوفه وراهو الموضوع كابر شوية وهاديما (**عيلة بو شعاله**) مبطلوش شني ليهم سنين دويما (**لحمدي**) دويما (**لمصطفى**) دوينالهم هما بروحهم طلعاهاهم من الأرض كم مرة.

هديما ياخذوا في رزقنا كيفهم كيف ضنى (**عيلة مصطفى**) والباين ينقاسموا فيه، مش ان واحد عنده كاشيك وبيشغله وبياخذ يومية وخلص.

فالموضوع هذا أي واحد مططوها بالوقت شويه واحني الراي مع الحال نشوفوا وضعنا غدوا كيف صار فينا وبعد غدوا وبعدين على قول حتى لما بيرد على صاحبه يقوله اعطيني شوية وقت الموضوع متشابك مش في يدي أنى بروحي عمامي وضنى عمامي وعماتي ومش عارف شنو خششوها في بعضها وماطلوا مع الوقت ونشوفوا الراي مع الحال بعدين.

#### نهاية التفرغ

مقطع صوتي معنون باسم (AUD-20210615-WA0027) مدته الزمنية (00:01:52) دقيقة واثنتان وخمسون ثانية بتاريخ (2021/06/15) وقد تم تفرغ المقطع كتابيا كالتالي:

### بداية التفرغ

أنى دويت (للصعدي) واهو يرد علينا وهو فهمني، أنى قتله (الروياتي) بأن موضوع سواء (نيابة طمينة) (خالد عبيد) جلوتهم، سواء (نيابة جزئية زروق) (عبد الله بادي) جلوتهم هو اللي طلّع (الفرخ بشير) لما حجزوه من شهر والا أكثر في (الكراريم).

فانى قتله طول دغري عطيته الطريقة والمقادير كيف يمشي (للروياتي) وكيف ينجح (الحاج محمد) لو أنى درت الراي اللي قتله عليه.

هو عنده راي أفضل يديره، معنداش اللي عطيتهله (100%) ويتماشي مع (الحاج محمد) ويناسبه. توا يمشي له غدوا يقوله احني جوك الشباب من يومين ثلاثة وعدّوا (للزروق) ويحكيه كيف الإخفاقات اللي دارهوله (الزروق) مبوش يفتحوا محضر ثم اهو اليوم (حسن) كلم التفتيش سماه كلم (ممدوح) بروحه وقاله لا يجوني في المركز ويقولولي راهو تم الاعتداء مباش ياخذها بالتلفون، عدوله في المركز ملقوش حد.

ويفهم (الحاج محمد) من (حمزة وقراقوش) كيف ملقوش حد لما عدّوا (لمركز شرطة الزروق) اليوم.

والموضوع تفاجئنا زينا تقولوا، وممكن مش شرط نقولوا احني كلفناهم انهم جماعة (طمينة) ولّا ولّا قولوا احني علمنا من جماعة (طمينة) عدّوا حجزوا الكواشيك لان هما أصلا احني ارضنا حرة والسبخ اللي حدانا هما سبخ يشتغلوا عليهن ويشتغلوا خشوا في ارضنا انتهكوا الزوز يعني. فقوله الموضوع نبيك تحتويه وبالله كان فيه إمكانية هاديا اقتصلنا منهم راهو مرات عديده الكواشيك وبنفس الوجوه يا إما (بشير) يا إما يا إما (احمد) هما اللي يحركوا في هذه المواضيع والباين يتقاسموا مع صحاب الكواشيك وشكوى في الكواشيك وشكوى في (عزوزة) وشكوى فيها كلها.

وقوله بالله اعتمد هذا الموضوع ولو يمشي له بالسبورت اللي قتله عليه أنى راهو الموضوع حينجح وحيصير منه بدري بدري تقعد في صالحنا.

وهو (الروياتي) يطفيلك أي نيابة سواء (الزروق) تحت منه وسواء (طمينة) تحت منه.

### نهاية التفرغ

مقطع صوتي معنون باسم (AUD-20210615-WA0028) مدته الزمنية (00:01:11) دقيقة وإحدى عشر ثانية بتاريخ (2021/06/15). وقد تم تفريغ المقطع كتابيا كالتالي:

#### بداية التفريغ

بوي قال عاود عليا (نوري) وقال قالي والله يا (حاج محمد) أنى كان عندي كحة وما كحة ورائي أمس زي ما تقول تلاقيت أنى و(الروياتي) و(الشيخ مختار) مع بعضنا وجت الهدرزة سمحة قال احني الزوز مع بعضنا وكل شي.

وقاله يا (حاج محمد) أنى والله العظيم أقسم بعزة الله إني ماشي (للمحامي العام) وماشي للعالم كلها أنى حتى في البداية من غير حتى ما قالي حد، والله قاله في اللي أنى خسرتة وماندورش فيه لقيته مصبي مع (الفرخ) هذا ولقيته يقوله كيف (الحاج محمد) عنده مسدس و(الحاج محمد) عنده مش عارف شن هو وكذا وكذا وهديما (عيلة حمد) داروا فهمت؟

فقاله والله قعدت حتى نسلم عليه بروس صوابي فيه ناس في النيابة يعني فهمت. فقاله والله يا (حاج محمد) أنى مش حنسيبوا وان شاء الله وكلام كله طيب.

بوي قتله شنو توا معناها بتتلقى انت اووو انت و(نوري) و(مختار)؟ قال لا مرات أنى و(مختار والروياتي) طول، توا خليها لان (مختار) قاعد ينسق فيها منبش قال نجتازه بس.

فالأمر مية في المية ان شاء الله هي، وقال قال والله ما هم طالعات الكواشيك الا بتاشيرة من عندي أنى. تمام؟ ومية في المية هي.

#### نهاية التفريغ

مقطع صوتي معنون باسم (AUD-20210615-WA0029) مدته الزمنية (00:00:46) ست وأربعون ثانية بتاريخ (2021/06/15). وقد تم تفريغ المقطع كتابيا كالتالي:

#### بداية التفريغ

يا (صعيدي) قال (الزروق) قال (طمينة) انت لما تكلم (الروياتي) خش في الموضوع هاديننا الزوز تحت منه هو مديرهم هو مدير الزوز.

وكان أنتم مشيتله كيف ما قتلك غدوا الصبح يتم الموضوع، بتأجلوا الموضوع تلقى الكواشيك طلحن وتلقوا روحكم مدرتو شي.

يا فرحتنا اليوم والفيديوات وصور والشباب اللي عدوا غادي والستريس اللي احني فيه ضيعناه بفرق توقيت اهو (احمد) اليوم مشي (الطمينة) ومتوفقش ومش عارف شن صار بيناتكم غادي. والموضوع غدوا (الحاج محمد) كان ميمشيش للنيابة دغري هذه اول اول مكان كيف ما وريتك يا

**(صعيدي)** وكنهذا راهو الموضوع لما تزيد الوقت بتهرب منّا ومع الوقت بالطريقة هذه كبارنا مرات يفشلونا كان هما مصبوش معنا تصباية كويسة.

### نهاية التفريغ

28 مقطع صوتي معنون بإسم (AUD-20210615-WA0030) مدته الزمنية (00:00:56) ستّ وخمسون ثوان بتاريخ (2021/06/15) قد تم تفريغ المقطع كتابياً على النحو التالي:

### بداية التفريغ

المهم رجالتنا الكبار حاولوا كل واحد ميدخرش جهد كل واحد يمشي، ركز عاللبسة، لبسة الجرد المعرقة، الالفاظ اللي بتحكي فيها ناس بسطاء احكي على أساس انت انسان بسيط وكذا وتواضع واحكي انك انت متضرر هجرونا دارولنا نساوينا عيالنا.

دينا هديما الجانب هذا القانونيين تستعطفهم يكون أفضل متوريش روحك أنك انت سوبرمان متوريش روحك أنك متع عايش برا وسفر وفلوس.

لا لا الموضوع أنك انت انسان بسيط وأنك انت مستعصف وأنك انت دارولي ودارولي وكاين هاديا استغلوا فرص الفوضى اللي في البلاد اوووو الموضوع هكي هكي يبي وعدلوا عاللبسة مش موضوع ان فرنجي ما فرنجي (حاج محمد) وتوله جرد من توا مثلاً يعني.

(فيصل) مش عارف يمشي ولا لا ان شاء الله يمشي (فيصل) وساكت كويسة، (حمد) يمشي فهمت؟ نسقوا فيها هكي خير.

### نهاية التفريغ

29 مقطع صوتي معنون بإسم (AUD-20210615-WA0031) مدته الزمنية (00:01:05) دقيقة وخمس ثوان بتاريخ (2021/06/15) قد تم تفريغ المقطع كتابياً على النحو التالي:

### بداية التفريغ

خلاص السلام عليكم يا (حسن) خلاص بإذن الواحد الاحد توا نخلي (بويا) باذن الله نكلمه بعدين ان على أساس ان يوم (الأربعاء الساعة 11) تمشي انت إياه و(حاتم) (للنايب العام) هكي أنى فهمت تمام؟

ان شاء الله خير ان شاء الله ربي يوفق.

وبالنسبة لموضوع (الروياتي) انت سير في الموضوع اللي ماشي فيه يا (حسن) ماشي صح باهي. وخلينا نكملوا في اللي خاشين فيه مع (مختار) ومع (نوري) وان شاء الله خير، فهمت؟



قصدي متندريش أني حتى أني حتى لما **(الروياتي)** عاهد الجماعة وموفاش بعهدة نعتبر فيها ميزة ره، ليش؟  
 بش الجماعة يعرفوا كيف يلوموا عليه لان هادوما صحابه، نحسب فيها أني مرات يعرفوا كيف يلوموا عليه يعني هدوما صحابه ولا بد عندهم بصاره مع بعضهم ولا بد عندهم كلام مع بعضهم ولا بد ولا بد ولا بد.  
 فالله.. فالله.. نبي.. انا كلمت بوي قتلته كمل مع **(مختار)** لعند اخر نقطه خلينا نشوفوها، تمام؟

### نهاية التفريغ

30 مقطع صوتي معنون باسم **(AUD-20210615-WA0032)** مدته الزمنية (00:00:06) ست ثوان بتاريخ (2021/06/15) قد تم تفريغ المقطع كتابياً على النحو التالي:

### بداية التفريغ

دويتله بوي من الصبح وقتله كلم **(صوان)** وقالي حاضر فهمت؟ دويتله من الصبح ونزيد نعاودله.

### نهاية التفريغ

31 مقطع صوتي معنون تحت اسم **(AUD-20210615-WA0033)** مدته الزمنية (00:01:01) دقيقة وثانية بتاريخ (2021/06/15) وقد تم تفريغ المقطع كتابياً كالتالي:

### بداية التفريغ

مزبوط يا **(صعيدي)** حتى أني كان نلقاها عن طريق **(مختار ونوري)** هدوما دلانية عليه وزى ما انت قلت هو وعدهم بشي واخلف بوعده. اقل شي توا هكي يقعدوا ... يزنوا على دماغه خير من شخصية جديدة.

أي نعم تشوف شخصية جديدة ممكن تخليها تأجلها شوية نشوفوا موضوع **(نوري ومختار)** نحاولوا منعطوشي آاه (48) ساعة، **(الحاج محمد)** يضغط اليوم او غدوا. شن الفكرة يعني واحد انت دلانية بتقولوله زي ما انتو بتقولوا تعالى نبوا **(خالد التير)** طلعك الساعة (12) من حوشه في الليل، يابال هذا نقولوا مثلا غدوا عندك الدوام كامل وعندك بعد الدوام العشية وعندك الليل، يعني الموضوع لان دلانية مع صحابه وكذا يقدر يديرله ميعاد غدوا.

يحاول **(الحاج محمد)** يخلي الموضوع سريع ميخليش مفتوح، ليش؟

لان صاحب **(حسن)** هذا مش حيقعد عندك ديما تلقاه. يعني ممكن **(حسن)** خمسين في المية يمكن يحصلك وخمسين في المية لا، لكن ديرها تصدف مرات تصدف في الأسبوع هذا ممكن الأسبوع الجاي متصدفش يسافر أي حاجه لكن خلوا الأولوية **(نوري ومختار)**.

### نهاية التفريغ

32 مقطع صوتي معنون بإسم (AUD-20210615-WA0034) مدته الزمنية (00:00:22) اثنان وعشرون ثانية بتاريخ (2021/06/15) وقد تم تفرغ المحادثة كتابيا كالتالي:

#### بداية التفرغ

لو نعرفوا آاه وين؟ نعرفوا بعدها شن هن السيناريوهات، ممكن زي ما قلتوا أنتم (الروياتي) يمشي (الروياتي) يقوله ريته قعدوا يحاربوا فينا لان كل ما بنجوا بنشكوا اللي يجي يشكي يقبضوا عليه اللي يجي يشكي يوقفوا فيه فقعد يخوفوا فينا معاش يخلوا فينا نجوا (لمركز الشرطة) نشكوا بكل.

#### نهاية التفرغ

33 مقطع صوتي معنون بإسم (AUD-20210615-WA0035) مدته الزمنية (00:00:34) أربعة وثلاثون ثانية بتاريخ (2021/06/15) وقد تم تفرغ المحادثة كتابيا كالتالي:

#### بداية التفرغ

(احمد صعيدي) شوفوا بوك قوله كان هديما زهم في تركينة غادي ضروري ما نشوفوا (الروياتي) كان قالوا لا أنى مرات نديرلك راي أنك مواطن عادي بيخش (الروياتي) نخليك تقمعز حداه داخل هذا حد جهدي.

يقولك تفضل يا (حاج محمد) تفضل قمع معاه شويه مثلا استنى خمس دقائق كان حداه حد وتخش عليه هذه نقدر نديرها، لكن أنى حبيت يخش مع صحابه اللي هما (نوري ومختار) بتطلع أكثر سبورت (للحاج محمد).

شوفه كأنه قوله أنى زاعل من الموضوع هذا نبوا غدوا نتقابلوا احصرهم في التركينة هذه في مكان العمل متعه برا المهم أنى نبي نقابله.

#### نهاية التفرغ

34 مقطع صوتي معنون بإسم (AUD-20210615-WA0036) مدته الزمنية (00:00:27) سبعة وعشرون ثانية بتاريخ (2021/06/15) وقد تم تفرغ المحادثة كتابيا كالتالي:

#### بداية التفرغ

منورين منورين مية في المية عطيك الصحة هذا اجراء ممتاز تلقاهم كلهم ينخضوا ويرعشوا ويخبروا بعضهم كلهم. كلهم يسقموا أي واحد مسنول وكذا زي ما قالك أنى (الزريدي) أمس ممكن نادوني مرتين في (طرابلس) توا اكيد إسهال كان بتوتيلهم شمالات، وان شاء الله ضغطة قوية ومرة مرة تصير حاجة كيف هذه.

واهو الراجل هذا بالك يبي ايفون 12 ولا حاجة يا (حسن)؟ شوف البرنامج كيف؟

#### نهاية التفرغ

مقطع صوتي معنون باسم (AUD-20210615-WA0037) مدته الزمنية (00:02:07) دقيقتان وسبعة ثوان بتاريخ (2021/06/15) وقد تم تفريغها كتابيا كالتالي:

### بداية التفريغ

تلاقيت معاه غادي لما مشينا للنيابة لما خدوا أقوال (**حمزة**) و(**محمد**) وشفته قدام الباب دوي معاه هكي بلهجة بايخة لا نعرفه لا يعرفني لكن هكي عرف احني منو وليش جايبين، فواحد يكشخ ميبينش في سنونه بكل واضح انه دراه كبد ومن الأول درت عليه خطين وقتلتهم هذا واحد بايخ ومنعرفش سماه، لكن بعد جينا بيقبضوا على حمزة وحي (**وكيل النيابة**) و(**مفتاح شقران**) وانت قالوا كيف بأي أساس كيف بتقبض على (**حمزة**) وانت لا عندك امر قبض ولا عندك استدعاء ولا فيه أي اجراء تجيني بنطب هكي وخلص؟!.

فعدوا سألوا (**عبيد**) وحي (**الفرخ**) هذا حتى هو الي تحت قال أي عادي عادي عدوا معاه (**الزروق**) بيوه فهمت؟ (**الزروق**) بيوه فعدوا أنتم (**لقصر حمد**) قالي طالبينه غادي ويمشي غادي، قلناله كيف أنتم بلا استدعاء وبلا أي اجراء يمشي وخلص؟

المهم واضح انه هو مع الطرف الاخر لأن (**خالد عبيد**) مع (**فرخ بشير**) لان (**طابان**) ولا شن اسماه مع (**الفرخ بشير**) وهذا هما يقولوله (**ولد عبد القادر حيدة**) معروف عليه (**ولد عبد القادر حيدة**) هذا اللي زمان اللي هو مطردي هذا زمان كان مدير مصنع الاسفنج في مصراته.

وهذا حتى بعلاقة (**بوي**) و(**بحاج محمد**) ضروري لما أي حد بيدوي لبوه يقوله الشباب لاحظوا كذا كذا عليه يا ريت ان أمكن هو ممكن ميعرفش العيلة وميعرفناش احني أصحاب بوه وكذا، فبالله بلغ ولدك واحد اثنين ثلاثة هادوما صفتهم نعتهم هادوما صفتهم نعتهم لان ضروري ادكنوله عليها ان هو راهو شاعرين بيه منحاز مع الطرف الآخر.

توا انت تقولي (**بشير**) صنته فاحت ومش عارف أيش، مهما كان لكن تلقاه قاعد يخدم حتى من تحت لتحت بحيث ان هو يرقدلك قضايك وينشطلك قضاياه هو شوية ويصمصر في الوقت، والوقت مش في صالحنا.

لو يمدها أسبوع بالطريقة هذه ممكن يقبض على واحد او اثنين من جماعتنا وهو قاعد يلعب في السليم ويقعد بعدين يساوم فيك، قضيته ان شاء الله قتل ان شاء الله مؤبد يقولك اه كان بتطلق (**الحاج محمد**) تنازل مثلاً، فردوا بالكم منها الجزئية هذه.

### نهاية التفريغ

<p>36 مقطع صوتي معنون باسم (AUD-20210615-WA0038) مدته الزمنية (00:00:14) أربعة عشر ثانية بتاريخ (2021/06/15) وقد تم تفريغ المقطع كتابيا كالتالي:</p> <p><b>بداية التفريغ</b></p> <p>يا جماعة احني قاعدين ساعيين في موضوع المحامي باهي. لكن بالله يا جماعة اسعولنا على من يعرف (مفتاح طلاق) راهو هذا اللي محرك (لبشير) الدنيا كلها. اسعوا يا ولاد اسعوا عليه هذا هوا.</p> <p><b>نهاية التفريغ</b></p>	36
<p>37 مقطع صوتي معنون باسم (AUD-20210615-WA0039) مدته الزمنية (00:00:12) اثنا عشر ثانية بتاريخ (2021/06/15) وقد تم تفريغ المحادثة كتابيا كالتالي:</p> <p><b>بداية التفريغ</b></p> <p>السلام عليكم شباب كيف الحال؟ أي جديد بخصوص (الروياتي) او بخصوص الكواشيك او بخصوص (الخبينة)، المفرخ هدينا هل هما فيه حد مشي شاف (الخبينة) بالك ردوا ولا لا؟</p> <p><b>نهاية التفريغ</b></p>	37
<p>38 مقطع صوتي معنون باسم (AUD-20210615-WA0040) مدته الزمنية (00:00:10) عشر ثوان بتاريخ (2021/06/15) وقد تم تفريغ المحادثة كتابيا كالتالي:</p> <p><b>بداية التفريغ</b></p> <p>أنى نضبح تضبيح (مفتاح طلااااق) وبعدين أنى (الصعيدي) قالي (طلاق) ماهوش (بو طلاق) ره أكدلي عالا اسم بأنه (طلاق).</p> <p><b>نهاية التفريغ</b></p>	38
<p>39 مقطع صوتي معنون باسم (AUD-20210615-WA0041) مدته الزمنية (00:01:14) دقيقة وأربعة عشر ثانية بتاريخ (2021/06/15) وقد تم تفريغ المحادثة كتابيا كالتالي:</p> <p><b>بداية التفريغ</b></p> <p>(مفتاح بو طلاق) اللي هو رئيس المحكمة ممكن (60%) (70%) ممكن نلقى من يضغط عليه لكن مفيش حاجة مضمونة (100%) ودايما لما يكونوا نفرين ثلاثة أربعة يبحثوا خير من نفر واحد زيدوا أنتم كل واحد بطريقته.</p>	39

لكن **(مفتاح بو طلاق)** راهو موضوعه في المحكمة لما بيحكم، لكن احني توا متعرقل موضوعنا في **(مركز الشرطة والنيابة)** مازال موصلش للمحكمة يعني قاعدة المواضيع هني مازال منعرضتش على **(مفتاح بو طلاق)** الا كان حاجة فيها قضية وفيها جلسات. فحني توا يجب ان نحركوا **(الفرخ هذا عبيد)** اللي هو مرقد المحاضر، وحتى لو بينشطها فتلقاه حتى بينشطها ينشطها بطريقته لان هو واحد سلبي وقاعد متعاون مع الطرف الاخر حيديرلها راي في عكس مصلحتنا لان هو حتى وكلاء النيابة اللي تحت منه في طوعه **حيكونوا**. فضروري بريسة كبيرة على **(نيابة الزروق)**. قبل فكرت بنشكي وكذا لكن الموضوع بعدين حذروني منه قالولي مرات تشكي تجي على راسك خليها اخر طلقة هي أنك تشكي، فتوا أنتم اهو زيدوا بريسة **(عالنيابة)** قبل كل شي وبحث على **(بو طلاق)** مضرش تنفع أي حد في المجال هذا بينفعنا.

#### نهاية التفريغ

40 مقطع صوتي معنون باسم **(AUD-20210615-WA0042)** مدته الزمنية (00:00:24) أربعة وعشرون ثانية بتاريخ (2021/06/15) قد تم تفريغ المقطع كتابيا كالتالي:

#### بداية التفريغ

مدير شي الا تجبيلي رقم بوه حتى كان عنده رقمين جيبهلي بو **(الفرخ هذا مهند)** أنى طلبته من واحد امبدي ممكن راقد ممكن كذا مرندش عليا بعتهالك انت رسالة صوتية. توا منك انت جندلي الموضوع بسرعة في هذه الربع ساعة كيف تجبيلي رقم **(عبد القادر المطردي)** اللي هو اللي هو **(عبد القادر حيدة)** يقولوله، وجلاويه لابد في المطار درا بد حاجة زي هكي منيش عارف. دير جهدك بسرعة جيبهلي بش نخلي بوه يكلمه.

#### نهاية التفريغ

41 مقطع صوتي معنون باسم **(AUD-20210615-WA0043)** مدته الزمنية (00:00:16) ستة عشر ثانية بتاريخ (2021/06/15) وقد تم تفريغ المقطع كتابيا كالتالي:

#### بداية التفريغ

معناها ... معناها أااه الراجل هذا معرفتش تبيله حد خت فت توصل فيه بريسة امالا ايش فاهم، او اقل حاجة يقوله راهي صنتك طالعة عالأقل بمعنى. خلينا نزيدوا نسالوا عليه امانا.

#### نهاية التفريغ

<p>42 مقطع صوتي معنون باسم (AUD-20210615-WA0044) مدته الزمنية (00:00:14) أربع عشر ثانية بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>سمعتة يا (احمد محمد) نحسابه (عمي محمد) زي ما قلت ممكن محاول معاه والا حاجة زي هكي ممكن تحصلوا معلومات من (الحاج محمد) ره.</p> <p>ترا اعطينا الهيستوري اللي صار مع (الحاج محمد) يا (صعيدي) اقل حاجه بش منعاولدوش نفس الخفاء بس.</p> <p><b>نهاية التفرغ</b></p>	42
<p>43 مقطع صوتي معنون باسم (AUD-20210615-WA0045) مدته الزمنية (00:00:06) ست ثوان بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>خيرك يا (طرويشة) رعشت لما سمعت (مفتاح طلاق) تعرفه ولا شنو؟ خبرنا ترا؟</p> <p><b>نهاية التفرغ</b></p>	43
<p>44 مقطع صوتي معنون باسم (AUD-20210615-WA0046) مدته الزمنية (00:00:09) تسع ثوان بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>باهي وين يسكن هذا وين منطقتة؟ متعرفوش عليه معلومات كم عمره كذا كذا؟ وين يتحرك؟ وين آاا منو جماعته من صحابه؟ من يآثر عليه هو؟ هو يآثر في من؟</p> <p><b>نهاية التفرغ</b></p>	44
<p>45 مقطع صوتي معنون باسم (AUD-20210615-WA0047) مدته الزمنية (00:00:23) ثلاثة وعشرون ثانية بتاريخ (2021/06/15). قد تم تفرغ المقطع كتابيا كالتالي:</p> <p><b>بداية التفرغ</b></p> <p>يا شباب كلكم في الغرفة اشتغلوا بجدية عالاسم هذا باهي، احني قعدنا نتعاندا (بو) والا بلا (بو) فخلونا نشتغلوا عليه بجدية شوية وبكرى العشية نحاولوا فينا حد يطلع من يقدر يضغط عليه، تمام؟ لان راهو الاسم هذا مهم جدا جدا جداً رانا مفروض غدوا العشية نكونوا مطلعين راي. اسم ضروري جداً يا ولاد.</p> <p><b>نهاية التفرغ</b></p>	45

<p>46 مقطع صوتي معنون باسم (AUD-20210615-WA0048) مدته الزمنية (00:00:14) أربعة عشر ثانية بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>خلاص معناها يا جماعة خلونا نسألوا على (بو طلاق) بما ان الخريطة اللي عطاها (الصعيدي) بأن المطب الكبير متعنا هذا (بو طلاق) كل واحد يشغل البحث متعه في (بو طلاق). توا ندير ألو حتى أني نسأل عيه لو فيه اكسز ليه (بو طلاق) او لا.</p> <p><b>نهاية التفرغ</b></p>	46
<p>47 مقطع صوتي معنون باسم (AUD-20210615-WA0049) مدته الزمنية (00:01:05) دقيقة وخمس ثوان بتاريخ (2021/06/15) وقد تم تفرغ المقطع كتابياً كالتالي:</p> <p><b>بداية التفرغ</b></p> <p>يا شباب يا شباب (مفتاح طلاق) هذا هذا رئيس محكمة مصراتة الابتدائية اللي هي شرق مصراته شرق مصراته متع (الزروق). تمام؟ طبعاً النيابة ماسكها نعرفوا (الروياتي) بس هذا رئيس محكمة شرق مصراته الابتدائية هذا (مفتاح طلاق) تمام؟ توا هذه ليكم معلومة كعامة. المعلومة الثانية يا (طرويشة)، (مفتاح طلاق) اسأل وزيد اسأل (99%) أالله علاقته باهية ... وزيد اسأل ره (ببشير الشريف) اسأل عليه خود منه خود منه قوله كيف هذا شن وضعه؟ فهمت كيف؟ اسأل عليه الله يربحك بالله يا (حميدة) ديرها اليوم اسأل (بشير الشريف) عليه لأن راني (99%) يعرفه.</p> <p><b>نهاية التفرغ</b></p>	47
<p>48 مقطع صوتي معنون باسم (AUD-20210615-WA0050) مدته الزمنية (00:03:02) ثلاث دقائق وثنانين بتاريخ (2021/06/15) وقد تم تفرغ المقطع كتابيا كالتالي:</p> <p><b>بداية التفرغ</b></p> <p>هدرنا هدرزة ثانية ويقول قولي، يقولي يا (أحمد) خصمكم من المحامي متعه؟ قتله (مصطفى كعوان). قالي اعوذ بالله من الشيطان الرجيم، قالي ارجا شوية، متقوليش شرق مصراته؟ قتله أي شرق مصراته نيابة الزروق.</p>	48



قالي اما لا خلي نعاودوا الجدولة من الأول وخليني نمليڪ.  
قالي اللي ماسك (محكمة نيابة الزروق) شرق مصراته (مفتاح بو طلاق)، (مفتاح بو طلاق) قالي  
الذراع اليمين متعه (مصطفى كعوان) فقالي صاحبكم يخدم (بمفتاح بو طلاق) مش بالمحامين.  
قتله كيف؟

قالي اقسم بالله الا (مفتاح بو طلاق) ولاهو صايرة صيرة بيتعكم قالي.  
قالي انت توا ضروري أدبر في مفتاح (لمفتاح بو طلاق)، راهو تجيبي أنى تجيب (لطي) تجيب  
فلان يمشي يمشي يمشي وميصير شي ره تصعب واعره قالي واعره واجد.  
قالي لأن (مفتاح بو طلاق) في جيبه، رئيس النيابة. القاضي اللي تجيبه وكيل النيابة اللي تجيبه  
ميصير شي قالي أنى قالي انسان عشرين سنه في المجال هذا ونعرف الحكاية وين ماشية.  
قالي وحدة من القصص قبلنا قضية (بمائة وخمسين ألف)، (خمسين لبو طلاق) ففش قالي هكي.  
هكي يقبلوا الجماعة قالي، قالي أنى عندي قصص غيرهم عارفهم شن يديروا قالي والله ما يخشوا  
الا هكي. يقبلوا قضية حقها (70) يزيدوا (50 لبو طلاق) ففش قالي الحكاية.  
فقالي توا انت توا بدور مفتاح (لبو طلاق) وراهو (مصطفى) علاقته (ببو طلاق) درجة منتصورش.  
تي قتله باهي اسالي (بو طلاق) كيف ينخش فيه؟ كيف يندارله؟  
قالي أنى توا نسال لكن قالي راهو الراجل قالي يتفتف ففش قالي (بو طلاق) يتفتف. قالي كان  
صاحبكم يدفع؟ (مصطفى) معنداش مانع.  
قتله ايه يدفع صاحبنا.

قالي ايوا (مصطفى) قالي معنداش مانع وصاحبكم يدفع و(بو طلاق) في جيب (مصطفى) فقالي  
انت قبل ما ادور محامي دور (بو طلاق).  
فهمت؟

لان قالي راهو حتى المحامي الشاطر ميقولها لكش هو قالي أنى قالي لانك انت صاحبي يا (احمد)  
بنقولها لك.

قالي بيزيد عليك المبلغ ويزيد عليك المبلغ ليش؟ لان يعرف (بو طلاق) حيعد قدامه.  
فهمتوا؟

راهو صاحبي الموضوع هذا قصدي موضوع مش مش مش للنشر ره لينا احني بس ره قصدي  
أنى دويتلكم في الغرفة افهموها مش للنشر لان صاحبي يهمني الحق يعني تمام؟ فهاه وهذا اللي  
صار.

### نهاية التفريغ



<p>49 مقطع صوتي معنون باسم (AUD-20210615-WA0051) مدته الزمنية (00:00:06) ست ثوان بتاريخ (2021/06/15) وقد تم تفريغ المقطع كتابيا كالتالي:</p> <p><b>بداية التفريغ</b></p> <p>بالله بنسأل على (كمال) اليوم وين قاعد؟ هل هو قاعد في (الهدى) ولا مش قاعد في (الهدى)؟</p> <p><b>نهاية التفريغ</b></p>	49
<p>50 مقطع صوتي معنون باسم (AUD-20210615-WA0052) مدته الزمنية (00:00:28) ثمانية وعشرون ثانية بتاريخ (2021/06/15) وقد تم تفريغها كتابيا كالتالي:</p> <p><b>بداية التفريغ</b></p> <p>زيدوا كثروا معلومات عالراجل نبوا نعرفوا من البريسة اللي عليه؟ ونبوا نعرفوا من اللي يتحاور معاه فاقشها معاه حتى في الفلوس وفي الرشاوي؟ ماداما انه راجل ياخذ في الفلوس حتى احني بندفعوا فلوس، فانبو... لكن فرق احني فلوسنا بالحلال والثانين فلوسهم بالحرام واحني بنعطوا أكثر.</p> <p>فشوفوا الموضوع بالك نحصلوا عليه بريسة قوية وحد مثلا يتعاطى معاه في المواضيع هدينا بشكل كبير.</p> <p><b>نهاية التفريغ</b></p>	50
<p>51 مقطع صوتي معنون باسم (AUD-20210615-WA0053) مدته الزمنية (00:00:05) خمس ثوان بتاريخ (2021/06/15) وقد تم تفريغها كتابيا كالتالي:</p> <p><b>بداية التفريغ</b></p> <p>ترا كلموا عليه (احمد طاهر) قوله يشوف (عيلة حمودة) في الزاوية.</p> <p><b>نهاية التفريغ</b></p>	51
<p>52 مقطع صوتي معنون باسم (AUD-20210615-WA0054) مدته الزمنية (00:00:24) أربع وعشرون ثانية بتاريخ (2021/06/15) وقد تم تفريغ المقطع كتابيا كالتالي:</p> <p><b>بداية التفريغ</b></p> <p>قتله هو عنده (موسى).</p> <p>قالي (موسى مصباح)؟ قتله ايه.</p>	52

قالي والله لا يحذف لا يجيب في رشاد خليك من الدعاية قالي يا راجل.  
قالي اليد الخطيرة اللي عندكم (مفتاح بو طلاق) زاد عودهلّي ترليون مرة.  
(مفتاح بو طلاق) يا جماعة توصلوا فيه الأمور عشرة نجوم. وصلت يا ولاد؟

### نهاية التفريغ

53

مقطع صوتي معنون باسم (AUD-20210615-WA0055) مدته الزمنية (00:00:05) خمس  
ثوان بتاريخ (2021/06/15) وقد تم تفريغ المقطع كتابيا كالتالي:

### بداية التفريغ

فيه وكيل نيابة (علي طابانة) مفيش حد وصل فيه منكم انتم؟

### نهاية التفريغ

54

مقطع صوتي معنون باسم (AUD-20210615-WA0056) مدته الزمنية (00:00:47) سبعة  
واربعون ثانية بتاريخ (2021/06/15) وقد تم تفريغ المقطع كتابيا كالتالي:

### بداية التفريغ

يا (خالد) قاعد هالخمس دقائق هذينا قاعد لو أن بينقلوه بينقلوه بعد الخمس دقائق هدينا.  
لكن توا قاعد مصكرين عليه الشيلة وحتى لو إن حتى الكلام اللي يعني يللي يللي من داخل حتى  
لو انه بيننقل من حبس لحبس حيكون طلب من طلب وضغط طلب وضغط من المحامي على وكيل  
النيابة، وكيل النيابة هو اللي يملك يحوله من حبس لحبس فهتمت عليا؟  
فلعند اللحظة هذه قاعد وخلصوا الخدمة بيناتنا اليوم في الليل على شان عيونكم ياكل مالفي. تمام؟

### نهاية التفريغ

55

مقطع صوتي معنون باسم (AUD-20210615-WA0057) مدته الزمنية (00:01:24) دقيقة  
واربعة وعشرون ثانية بتاريخ (2021/06/15) وقد تم تفريغها كتابيا كالتالي:

### بداية التفريغ

حاولوا كل شكوى وبكل اسم وبكل أي حابه تحطوا فيها كلمة (بشير وخوته) لازم (المحامي العام)  
لازم اشبح من هو حتى لما تشكي في (الشيش) قوله أنى هذه ارض بنشكي فيها أنى كاني فيها  
ورق (بشير) قولوا عن طريق (بشير).  
(الملحق) كان عن طريقه قولوا عن طريق (بشير) بس ردوا بالكم تشكوا في برنامج (الملحق)  
لان برنامج (الملحق) (خالد) يندري عليها وبين قاعدة (قطعة ارض الملحق).

خلوكم في برنامج **(الشيش)** وخلوكم في برنامج **(المثلث)** كانكم تبوا تشكوا فيه.

لكن أني رائبي أني كل ما بتخشوا مكان لازم تقولوا **(بشير وخوته)** وليه علاقة بالعيلة بالكامل قوله راهو تسأل أي حد من العيلة كاني ما ماني.

أني رأيي أني كانكم بتمشوا **(للمحامي العام)** بلكي تستغلوها تشوفوا معاكم **(الهмали)** وتشوفوا معاكم **(عادل عمران)** بلكي تجي سمحة، تخشله تقوله احني عايلة كبيرة **(عايلة شيش)** لكن هادوما عايلة بروحهم وهدوما عايلة بروحهم وكلنا متضررين من **(بشير وخوته)**.

بالك انت رافع معاك **(عمي محمد)** يخش يهدرز ويكون **(الهмали)** ويكون **(عادل عمران)** قاعد برا فيها ميزة شوفوها، بينولهم بأن عائلة كاملة متضررة من **(بشير وخوته)**.

### نهاية التفريغ

56

مقطع صوتي معنون باسم **(AUD-20210615-WA0058)** مدته الزمنية (00:01:01) دقيقة وثانية بتاريخ (2021/06/15) وقد تم تفريغ الرسالة كتابيا كالتالي:

### بداية التفريغ

ترا ترا خليني يا **(احمد فيصل)** .... (كلام غير واضح)، لان الدوة معاك غير بتطلع هكي وخلاص زايدة فهمت؟ متجيبش في نتيجة كان نعرفها الدوة معاك بتجيب نتيجة توا نعرف كي نرد عليك في التسجيل هذا.

يا جماعة الخير لا يجي يضحك عليا **(احمد مصطفى)** لا بيديرلي خطة **(الفرخ بشير)** لا مازال بيمشي عليا الموال هذا ولا حنسمعه ولا حنخش في ولاني فيه أني **(كحسن شيش)** منببش فيه بكل فهمت ولا؟

معنديش عيلة **(مصطفى)** لأبد الأبدين للأجيال القادمة لصغارنا، أني ولدي بنعلمه بنقوله عدوك ولا واحد لا **(حفتتر)** لا **(معمر)** لا خذاها لا دارلنا شي، عدونا الوحيد الوحيد اللود **(الحقير السخفاء)** اللي أني والله ماني مسيبيهم لأبد الأبدين يمين لابي عرق يتحرك ماني مسيبيهم **(فروخ عيلة مصطفى)** **(الاربعة)** هدوما بالنسبالي أني مستهدفين لين ربي ياخذ امانته اقسام بربي ماني مسيبيهم والباقي ماني مصنت لحد.

### نهاية التفريغ

مقطع صوتي معنون باسم (AUD-20210615-WA0059) مدته الزمنية (00:01:25) دقيقة وخمس وعشرون ثانية بتاريخ (2021/06/15) وقد تم تفرغ المقطع الصوتي كتابيا كالتالي:

### بداية التفرغ

يا شبيب مادام ان (الفرخ كمال) في حبس (الهدى) كنت نتكلم أنى و(حاتم) قالي نهارها حضرت حوار مع (فتحي درس) في حوش (الحاج محمد) دووا حتى قصة مخدرات وحبوب وكذا، بالك الجماعة هدوما بحكم ان متعاونين معانا وقالوا نقدروا نديروله حاجة كيف هذه، و(الفرخ) اهو فتحوله عالزيارة وفيه ناس تحيه في الساحة.

بالك نديروله قصة انه هو نشروله متع اثنين ثلاثة كيلو نحطهم في الصاكو متعه داروحو خشوا لداخل هجموا عليه، يخلوه يخش للس.. جاته مثلا زيارة وواحد من الشباب مثلا من جماعتنا احني اللي في الحبس يحطله اثنين ثلاثة كيلو أي حاجة كمية بحيث انه بيان انه تاجر وانه تحبسه فتره طويلة.

كان فيها كيف تندار؟ نصرفوا عالموضوع هذا ناخذوا فازوات حبوب ناخذوا حشيش أي حاجة تنحط في صاكو (المسخ هذا) والا في السجن متع (الفرخ كمال) واهو داروحو بعدها بنص ساعة ولا ساعة بعد يصكروا عليه يخشوا عليه اربعة خمسة داروحوهم يفتشوا في كذا دار ومن ضمنها داره هو ويلقوا فيها وتعدله تهمة غليظه.

شوفها يا (صعيدي) كان تمشي القصة هذه؟ اهي تتخمله حاجة صح مادابينا بدري بدري عامل الوقت مهم لان (قراقوش) موضوعه ضعيف لو يطلع تلقى روحك انت بتعاود من الصفر، ناقشها مع (فتحي درس) وقوللنا.

### نهاية التفرغ

مقطع صوتي معنون باسم (AUD-20210615-WA0060) مدته الزمنية (00:00:38) ثمانية وثلاثون ثانية بتاريخ (2021/06/15) وقد تم تفرغ المقطع كتابيا:

### بداية التفرغ

يا (احمد) قصة الحشيش والا الحبوب هدينا مفروض يندارن بسرعة بسرعة (للفرخ) تضمنش ان هذا (الفرخ) ممكن غدوا ولا بعد غدوا ولا اليوم ينقلوه لمكان ثاني يفرجوا عليه ينقلوه لحبس اخر. موضوع ساهل عندهم هما جماعتك انت هادوما مفروض عندهم ساهل مفروض يندار بدري بدري. يا تعاطي يا يا بيع وحدة من الزوز يختاروا. لكن الموضوع بيبي سرعه توا بعدين تندم معاه وتقول يا رييتي ويا رييتي.

هذه حتى تزیده فترة وتحكمه قضية بروحها داروحو جاه واحد من الزوار ولا اندر كيف زرقة هما يعرفوا اللخابيط هدينا.

### نهاية التفرغ

59 مقطع صوتي معنون باسم (AUD-20210615-WA0061) مدته الزمنية (00:01:13) دقيقة وثلاثة عشر ثانية بتاريخ (2021/06/15) لشخص يتكلم بغضب وتهديد وقد تم تفريغ المقطع كتابيا على النحو التالي:

### بداية التفريغ

يعن يعن جد نصالحوا والله يعن جد نصالحوا، هو اللي مش حوشه مضروب برصاص يا طايح قزاز يا راقد في المستشفى يا جاياته رمانه يا خاش فيه وحدة يا جاري في جرتة بالرصاص يا واخذ رزقه يا مقربله بلاه الاحرف.


تاريخ هذا سبع سنوات وانت ما عقت ما درت وما عقت ما كذا، تبا لك انت و(الهبارة وتبا للهبارة قبلك وتفووو عالهبارة وفروخ عيلة مصطفى الاربعة)، وقسما برب العزة لو يديرولي (بشير) يحطوهلي في فازو عسل ولو (احمد مصطفى) يطلعوهلي عيونه خضر تي خلاص تي حاقدين تي هادوما مفيش تي تشاو تي بالسلامة عداء تاريخي خلاص انكتب هذا انكتب والله العظيم انكتب معاش فيها هادوما معاش فيه يا نهايتهم يا نهايتنا.

(والهبارة) يتفرج علينا سبع سنين تطلع من الموضوع معاش لا عندي لا نقمعر معاك لا نديرلك أي حل لا كذا، عندي ليك لغة السلاح والرصاص ولغة ان أنى بننتقم منك ولغة ان أنى بندورك وبنصفيك ومنيش معقب حاجة الا مدايرها (وتفوووو).


### نهاية التفريغ

60 عدد صفحات التقرير (29).

## صور المبرزة الأولى فلاش ميموري (32G.B)



## صور محتويات المبرزة رقم (1)



اعتماد رئيس قسم ضبط شؤون المعلوماتية والاتصالات  
بمكتب النائب العام



## صور المبرزة الثانية فلاش ميموري (G.B16)




## صور محتويات المبرزة رقم (2)



مجلدي تحتوي على  
عدد (56) مقطع صوتي

مجلدات خاصة  
بنظام الاندرويد

## عدد (56) مقطع صوتي داخل مجلد معنون باسم (مستند نصي)



ملاحظة:

مرفق بالتقرير قرص مدمج (CD) يحتوي على جميع البيانات التي تم استخراجها من المبرزة.

اعتماد رئيس قسم ضبط شؤون المعلوماتية والاتصالات  
بمكتب النائب العام



إعداد: 18